

مطبعه و محل اداره :

جفال اوغلنده امنیت
سندوغی جوارنده
شکول یقوشنده
۲۷ نومرو

اضطار :

مسلمکزه موافق آثار
جدیده مع المثنویه
قبول اولنور
درج ایدله یں آثار اعاده اولنماز

مستطابق

دیر ، فلسفه ، علوم ، حقوق ، ادبیات ، تاریخ ، سیاست ، دین ، و غیره .

ساحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

در سعادته نسخه سی ۵۰ پاره در

قیرله دن مقوا بورو ایله کوندیلیرسه سنوی
۲۰ غروش فضله آلنیر

آبونه بدلی

سنه لکی

ممالک عثمانیه ایچون	۶۰	۳۰	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

۱۰ تموز ۳۲۴

عدد : ۱۴۱

۱۴ جاذی الاول پنجشنبه ۵ مایس ۳۲۷

آلتیجی جلد

نفسیه شریف

انوارت ان

۴۰ - یا بنی اسرائیل اذکر وانعمتی الی انعمت علیکم .

واوفوا بعهدی اوف بعهدکم وایای فارهبون

[جناب حق اولا کتاب ایله انده ریب واشتباه اولمیدیغی ذکر ایلدی . صکره ناسک اوکتابده اختلافی ذکر ایدرک ابدام مؤمنلری ، ثانیاً کافرلری ، ثالثاً منافقلری ذکر ایتدی . صکره صنف ثالث ایچون امثال ضرب ایلدی . بعده کتابک رسول اکرم صلی الله علیه وسلم حضر تیرینه من عند الله منزل اولدینی اوزرینه برهان اقامه ایتدی وشک واریاب ایدنله کندیلرینی عاجز بر اقور بر حال ایله تحدی ایلدی . صکره تحذیر وانداز ، تبشیر ووعده ایتدی صکره کتابده ایراد قلنان مثل حقنه ناسک کتاب حقنه کی اختلافلری کی اختلافلری بولندیغی بیان بیوردی . صکره کندیلرینی ایکی کره احیا وایکی کره اماته وسموات وارضی کندی منفعتلری ایچون خلق وایجاد ایلدیکنی بیان ایله کافرله انکواضح بر برهان کتوردی . صکره خلقت انسان ایله اطوار انسانی ذکر ایلدی . ده صکره نبوتک بر تفصیل ظهور ایلدیکی بلادده موجود امم وشعوبه خطابه شروع ایدرک ایلک ابتدا بو آیت ایله زیرده کی آیاده ، نعم الهیهیه مستغرق اولدقلری حالدله الی زیاده کفران نعمت ایدن طائفه یهوده خطاب ایلدی . یوقاریده دخی سبق ایلدیکی اوزره بومواد

مختلفه یک کافه سی بر موضوعه متعلق بولندیغی ، جمله سی کتاب مین ایله بو خصوصده ناسک احوال و صنفی بیانه متدثر اولدینی حالدله طرز بیانده کی تقنین قرآنک حیرت افزا انواع بلاغت وخصائصنددرکه بوحد اعجازه تهر بلیغ یتشمش ، نهده یتشمک احتمالی واردر . کتب سماوییه یی حامل امم وشعوبک اقدمی بولنان بنی اسرائیل وقبیله صنف عواطف ربانیه ایله مشمول اولوب علی الخصوص نعمت کبرای الهیه اولان نبوت برخیلی زمان کندیلرینه احسان اولنه رقی بوسبب ایله امم وشعوب عالم اوزرینه تفضیل ایدلمش اولدقلری جهته الله تعالی به الی زیاده تشکر ایدن ونعمت جلیله سنی الکجوق یاد ایدن کندیلری اولقی ایجاب ایلدیکی و بوده هدایت وار شادلیچون جناب حقک ارسال ایلدیکی هر پیغمبره ایمان ایتملرینی مستلزم بولندیغی حالدله الله تعالی نک فضل و کرمی کندیلرینه محصور اولوب کندیلرندن ماعداسندن پیغمبر کوندرمز زعمنده وشه رک حققرنده ارزان بیورلمش اولان نعمتی ایمانندن اعراضه ونبی محترم صلی الله تعالی علیه وسلم افندمره جور واذایتمکه وسیله اتخاذایتدیلر . اینسته اوزرلرینه فیضان ایدن نعم الهیه یی در خاطر ایدرک عهدده وفا ایلملریچون کندیلرینه جانب رب عزتدن خطاب اولنه یور . کرک بنی اسرائیل وکرک دیگر امم سالفه حقنه ده کتاب عزیزده شرفورود ایدن قصص پر عبری بزده کال تأمل ودقت ایله استماع ایلیه رک تعقیب ایدلم [ای بنی اسرائیل [ای اولاد یعقوب] سزه انام ایلدیکم نعمتی ذکر [ویاذ] ایدک وعهدمی ایفا ایدک ، بنده سزک عهدده کزی ایفا ایدیم [الله تعالی نک انلره عهدی کندیلرینه انزال ایلدیکی کتابدن معلوم اولور . جناب حق انلره ، انجق ذات الوهیتنه عبادت ایدوب هیچ برشیثی کندینه تشریک ایتملرینی وصدقلرینه ادله قائم اولان پیغمبران عظامه ایمان ایدوب شرائع و احکامنه منقاد اولملرینی عهد ایلدیکی کی برادرزاده لری اولان بنی اسماعیلدن کندیلرینه بر پیغمبر کوندروب او پیغمبرک بر شعب جدید وجوده کتوره جکندی ده

۴۱ - و آمنوا بما انزلت مصداقاً لما معكم ولا تكونوا اول كافر به ولا تشتروا بآياتي ثمناً قليلاً واياي فاتقون .

[جناب باری عزشانه آیت سابقه در عموم عهده وفا ایله امر ایتشدی ، شمدی سیاق کلامدن مقصود اولان عهده خاصه انتقال ایله شویله بیوریور :] و نزد کزده بولنانی مصدق اوله رق انزال ایتدیکم شیئه ایمان ایدک [توحید ، عدل بین الناس ، فواحش و منکر اتدن نهی ودها بوکی سعادت موصل ارشاده دائر تورات ایله سائر کتب انبیانک تعلیم و دعوتی تصدیق ایدرک نازل اولان قرآن ایمان ایدک ، سز قرآنه نظر ایدوبده انی مقاصد و اصول دین الهی به و مواعید و عهوده متدائر معلومکز بولنان اموری مصدق بولنجه اکلار سکزرکه قرآن ایله نازل اولان روح و جوهر کتب سالفه ایله نازل اولان روح و جوهرک عینی در ، و اکلار سکزرکه سزی موسی ایله سائر انبیانک دعوت ایلدیکی امورک مثل و نظیرینه دعوت ایدن بوی محترمک تقریر حق و هدایت خالقن بشقه بر غرضی یوقدر ؛ شو حالده اعجازی و نزد کزده بولنان شیرلی مصدق اولمسایله ایکی جهتدن اوزریکزره حجت اقامه ایدن بو کتب مینه ایمانه مبادرت ایتکز ایجاب ایدرکن [انی انکار ایدنلرک برنجیسی اولمیک و آپترلرله ثمن قلیل اشترا ایتیک] قرآنک هدایت و ارشادینی ثمن قلیل ایله مبادله ایتیک ، حظوظ دنیویه ملاحظه سیله حقندن اعراض ایلمیک ؛ بز رسول اکرمه و من عند الله تبلیغ ایلدیکی قرآنه اتباع ایدر سهک مال و جاهدن ، مقام ریاستدن دور اولورز دیه دوشونمیک . بونلر حقه نسبت ایله قلیل و حقیردر . آیات بیناندن ، براهین واضحاتدن اعراض ایدنلرک عاقبتیری و خیمدر ؛ رضاء اللهدن محروم اولورلر ، دنیاده اللهک انتقامنه ، آخرتده عقوبتنه گرفتار اولورلر . سز بوکی احوالده شوندن بوندن حذرو تحاشی ایتیک . [انجق بندن اتقا [و حذر] ایدک .

قرآنک توراتی مصدق اولسنک معناسی : قرآنک توراتده وصف اولندیغی وجه اوزره نازل اولسی در ، و یاخود قصص و مواعیدده و توحیده دعوتده و بین الناس عدلده و معاصی و فواحشدن نهیده قرآنک توراته موافق بولنسی حسیله در . اعصارک تفاوتی سببیه متفاوت بولن بعض جزئیات احکامده قرآنک توراته کورونن مخالفتی حقیقتده بر مخالفت دکدر ؛ بو احکامدن هربری عصر و زمانه نسبتله حق اولوب مدار تشریع بولنان حکمتلری متضمن اولق حسیله بری برینه موافقدر و توراتده احکام مذسوخه سنک مؤید بولندیغنه دلالت ایدر هیچ برشی یوقدرکه حتی او احکامی نسخ ایدن قرآن توراته مخالف اولسون . تورات احکامک زوال و بقاسنه تعرض ایتیموب انجق او احکامک علی الاطلاق مشروعیته دلالت ایدر . هم برده دیرزکه تورات او احکامک نسخنی ناطقدر ؛ زیرا قرآنک توراتی ناسخ اولسی ،

عهد ایتشدر . عهد خاص منصوص ایشته بودر . عموم عهده جناب حق فطرت مقتضاسنجه جمیع بشر دن اخذ ایلمش اولدیغی عهدا کبرده داخل اولور ، اوده تدبیر و تروی ایتک و هرشیئی میزان عقل ایله و نظر صحیح ایله وزن ایدوب میزان هوی و غرور ایله وزن ایلامکدر . بنی اسرائیل بو عهد الهی عامه و یاخود کتابلرنده منصوص اولان ارعهود خاصیه احاله نکاه ایتمش اولایدیلر بنی اکرم صلی الله علیه و سلم حضرت تدرینه وذات رسالتی ایله انزال اولنان نوره البتہ ایمان ایدر و فلاح بولورلر ایدی . عهدی رسول محترم صلی الله علیه و سلمه ایمانه تخصیص ایتکه حاجت یوق ، چونکه عهد خاصک افرادندن بولنان ایمان عهد عامده داخلدر و مضاف اولان عهد عموم افاده ایدوب عامده محصص بولمقدجه تخصیص ایدیلر ، عهدی ایسه ایمانه قصر ایچون دلایل یوق .

بو ، اللهک عهدیدر ؛ بنی اسرائیلک عهدینه کلنجه ، اوده کندیلرینی ارض مقدسده متمکن قلمق ، اتمکا فرهیه قارشو آنلره یاردم ایلمک ، دنیاده قدر و رفعت ایلار فاه معیشت نائل اولمقدر .

اللرندهکی توراتده شائع اولان بودر . شها یوقدرکه الله تعالی انلر سعادت آخرت ایله ده وعد ایتشدر ، فقط توراتده رموز و اشاراتدن بشقه بوکا دلالت ایدر برشی یوقدر ، بونکچوندرکه بعض مدققین یهود بعته ایمان ایتزلر ظن ایتدیلر .

رؤسا ایله اتباع اره سندهکی منافع مشترکدن طولایی بنی اسرائیل بری بندن قورقوب بو خوف اره لرنده ترکی فاش اولان عهده وفایک موافقندن بولندیغی جهتله وفا ایله اولان امرک عقبنده [انجق بندن قورقک] بیورلدی یعنی جماهیره مخالفتله حقه اتباع ایتدیکی کز زمان بعض منافع فوتندن و سزه بعض مضارک اصابتندن قورقور سه کز ، زمام جمیع منافع قبضه قدر تنده بولنان الله تعالی دن بشقه هیچ بر فرددن قورقما کزدها شایاندر ، او نعمت کبرایی و یاخود کافه نعمی سزه انعام ایدن ذات علیه سیدر ، او نعمت لک سلبنه و بونلره ایجاب ایدن تشکری ترکن طولایی عقوبته قادر اولان انجق اودر ، ایدمی انجق ذات الوهیتندن قورقک ، ماسوی اللهدن خوف ایتیک — ع] .

« یا بنی اسرائیل » قول کریمنده [بنی] لفظی منادای مضافدر ، اضافت ایله نوئی ساقط اولشدر . [بنون] ویا [بنین] ک مفردی [ابن] در . [ابن] ابک فرعی اولوب انک اوزرینه مبنی بولندیغندن بنادن مأخوذدر ، بونکچوندرکه مصنوع صانعنه نسبت اولنه رق بعضاً صانعک مصنوعنه اضافتی ایله صانع حربیه [ابو الحرب] و بعضاً امر بالعمکس اوله رق نتیجه فکره [بنت الفکر] دینور . بو کله اولاد ذکوره مختصدر ، مضاف اولور سه عرفده ذکور و اناته عام اوله رق اولاد معناسنه اولورکه بوراده مراد اولان بودر . اسرائیل یعقوب علیه السلامک لقی در و لغت عبرانیده فی الاصل صفوة الله و علی قول عبدالله معناسندر — ق ، ش ، م .

واقع اولدینی کی جناب حق انلره ولد اسماعیلدن بر پیغمبر کوندروب انکله بر امت وجوده کتوره جکی و بو پیغمبرک جاریه هاجرک ولدندن ظهور ایده جکی دخی کتابلرنده ورود ایلمش و او پیغمبرک علامت و نشانهلری التباس اشتباهه محل قالمیه جق صورته واضحاً کوسترلمشدر. فقط احبار ورؤسای یهود عوام ناس اوزرینه جق باطل ایله ستر ایدرک حاشا نبی محترم صلی الله علیه وسلم اقدمزک کتب مذکورده نک کذب ایله توصیف ایلدیکی پیغمبرلردن بولندیغنی انلره ایهام ایدیور و رسول اکرم حقنده کی نعوت و شمائل بشقه سنه قطعاً مطابق اولیوب ذات رسالتپناهنده اکمل ظهور ایله ظاهر اولدینی و انبیای صادقانه اوصافی و دعوت ایلدیکری امور نبی مجتساده متحقق بولندیغنی و کندیلری ده بو جهتله تماماً مطلع اولدقلمی حالده کتم ایلورلر ایدی - ع .

برکت زاده

اسماعیل حق

توراتک ایسه قرآنک صحتی ناطق بولمسی او احکامک نسخی ناطق اولمق دیمکدر . شو حالده احکام مذکورده و خنده ناطق مخالفت انجق اختلاف عصردر ، حق متقدمک نزولی تأخر ایدیدی شبهه سز متأخره موافق اوله رق نزول ایدر ، متأخرک نزولی تقدم ایدیدی شبهه سز متقدمه موافق اوله رق نازل اولوردی . بونکچوندر که دهان حکمت فشان نبویدن « لوکان موسی حیا لما وسعه الاتباعی » حدیثی شرف صدور ایلمشدر . [یعنی موسی بوکون بر حیات اولایدی شریعتمه اتباع ن . بشقه چاره سی اولمازدی بیورلمشدر] - س .

۴۲ - ولا تلبسوا الحق بالباطل وتکتبوا الحق وانتم تعلمون .

وبیله بیله جق باطل ایله قاریشدیروبده جق کتم ایتمک . بو آیت کریمه سیاق نهیده انلرک غوایت و اغوا خصوصنده کی مسلک لرینی بیان بیوریور . کتابلرنده ، کندیلرینه بعث اولنوبده عجائب و غرائب اظهار ایده جک اولان کاذب پیغمبرلردن تحذیر

مسائل

وجودک مطالبی

روحک مطالبنه عائد اولان سوزیمز بیتدی ؛ شیمدی وجودک مطالبنه دائر سوزسویله مکملکمز ایجاب ایدیور . ذاتاً انسانک بدایت خلقتدن بو آنه قدر آرقه سننده طولاشدینی مادی ، معنوی هرایکی سعادت ادراک ایده بیلیمسی آنجق وجود ایله روح آره سننده بر آهنگ وفاق بولمسنه متوقفدر .

سعادت مادیه ایکی شیئه وابسته در که بری صحتی محافظه ، دیگرکی وجودک مطالبی اوزرنده تصرفدر . بز شمدی بونلرک هرایکیسنی برر فصلده ایضاح ایده جکمز .

حفظ صحت

یوقاریکی فصللریمزده سویله مشدک که انسانک حیواندن یکانه مدار تمایزی اولان سلامت عقل هرشیدن اول صحت بدنه متوقفدر . انسانک احواله عطف ایدیه جک اک سطحی بر نظر بو نظریه نک طوغریلغنه بزى اقناع ایده بیلیر ، ذاتاً جهان متمدنک حکماسی بو سر عظیمی حقیقه ادراک ایتمش اولدقلمی ایچون کورورسکمز که صحت مسئله سنه صوک درجه ده اعتنا ایله مشلر ؛ بدنی قوتلشدیره جک ، قوای جسمانییه یی محافظه ایده جک بر چوق قواعد وضع ایتمش . بوسایه ده چوجق لر عینی زمانده هم دماغی هم وجودی بسلیوب بیوته جک اولان او قواعدله ملکه حاصل ایده جکلردر . ایشته بو قواعد صحیه نک اهمیتی اوفیلوسو- فلرجه اطفاله تعلیم ایدیلن مبادی فنوندن اصلا دون دکدر .

موضوع بحث اولان بوقاعده لر نه زمان تأسیس اولندی بیلیور میسکر؟

اوت ادیان صحتی محو ایچون بتون قوتیله چالیشیور . سعادت ابدیه یی جنتی انجق صحتی هدر ایدلره ویریور ظنی حاصل اولدقلم صوکره . اوسبدن بوفیلوسوفلر ادیان قارشی اوله برلسان تهکم قوللاندیلر که بوراده تصویرینه لزوم کورمیورز . بزم سویایه جکمز شونندن عبارتدر که سلامت عقلک صحت بدنه ارتباط کاملی اساسی اوزرینه مبتنی اولان اک صاغلام قواعد صحیه یی تأسیس خصوص سننده مسلماناق بتون حکمای بشردن اول طاور انمشدر . حفظ صحتی ارکان ایماندن بر رکن اعتبار ایدرک بتون مسلمانلری سائر امرینه امتثال ایله مأمور ایتدیکی قدر بونکله ده مجبور طومشدر . حتی اللهک قولنه بخش ایتدیکی نعمتک اک بیوی صحت اولدیغنی ، بو نعمته کلمه توحیددن بشقه بر شی فائق اوله میه جغنی صراحة بیلدیرمشدر . علیه الصلوات والسلام اقدمز « جناب حقندن عفو و عافیت ایسته یکمز . زیرا هیچ بریمزه ایمان یقیندن صوکره عافیت قدر بویوک نعمت ویرله مشدر . » بویوریور .

مسلمانلق بوقدرله ده اکتفا ایتمه مش بلکه نظافت کی مادی و معنوی ریاضات کی حفظ الصحت عائد اساسلری کندی مبادیسی میاننده ذکر ایلمشدر . حضرت پیغمبر « تمیزک ایمانک یاریسیدر . انسانلرک اککنجه لر میاندن اللهک اک بکندیکی آت قوشدیرمق اوق آتمقدر . قبلرکزی زمان زمان راختلندیریکمز » بویوریور . خسته لقلره ککنجه دین اسلام بونلری الله طرفدن کوندرلمش بر عذاب صورتنده تلقی ایدر ، اوینه عذاب که خسته آدم فطرتک لایتغیر اولان قوانینه ، صحتک قواعدینه عصیانده بولمسنه مقابل کندیسنه جزا اوله رق ویرلمشدر « خسته لق اللهک قوللرینی تأدیب ایچون برقامچیسیدر . حدیث » بناء علیه بر مسلمانان بر خسته لق یعنی الله طرفندن بر تازیانه عذاب اصابت ایدنجه